



Broj: 07-05-04-22801-154/21
Sarajevo, 02.07.2021.godine

SKUPŠTINA KANTONA SARAJEVO

PREDMET: Odgovor na zastupničku inicijativu zastupnice u Skupštini Kantona Sarajevo, gđe. Vildane Bešlija

Veza: Vaš akt broj: 01-04-22801-63/21 od 01.06.2021.godine

Zastupnica Vildana Bešlija, na 37. Radnoj sjednici Skupštine Kantona Sarajevo, održanoj dana 31.05.2021. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213. stav 1. Poslovnika Skupštine Kantona Sarajevo ("Službene novine Kantona Sarajevo" - Drugi novi prečišćeni tekst – broj: 41/12, 15/13, 47/13, 47/15, 48/16, 9/20 i 14/20) uputila je zastupničku inicijativu:

"Smatram da bi Ministarstvo privrede Kantona Sarajevo trebalo građanima približiti kompletan proces i eventualne prepreke pri osnivanju vlastitog biznisa. Opštepoznato je da period prikupljanja dokumentacije za registraciju može biti dugotrajan i izrazito frustrirajući. Mislim da građanima i investitorima treba ponuditi vodič koji će im pomoći da lakše razumiju "papirološke" izazove koji obično stoje na putu prilikom osnivanja društva.

Ovaj vodič bi trebao da sadržava korake ka registraciji svih vrsta društava. Mišljenja sam da bi ovo bio važan korak ka edukaciji i motivisanju ljudi da svoje ideje pretoče u konkretne akcije, a Ministarstvo privrede treba da bude servis kako bi im se sve procedure približile.

ODGOVOR

Početakom 2021. godine urađeno je ažuriranje investicijskog vodiča Kantona Sarajevo "Investirajte u Kanton Sarajevo" koji se nalazi na web stranicama Ministarstva privrede Kantona Sarajevo i Vlade Kantona Sarajevo: mp.ks.gov.ba i vlada.ks.gov.ba (preveden i na engleski jezik). Neke od informacija iz investicijskog vodiča "Investirajte u Kanton Sarajevo" su: lična karta Kantona Sarajevo, zašto investirati u Kanton Sarajevo, konkurentski sektori, podrška koju Kanton Sarajevo pruža investitorima, troškovi poslovanja (urbanistička dozvola, odobrenje za gradnje, upotrebna dozvola, okolinska dozvola) po općinama Kantona Sarajevo, cijene komunalnih usluga za pravne osobe, investicijske lokacije u Kantonu Sarajevo, industrijske/poslovne zone, registracija poslovnih



subjekata - koraci za početak poslovanja, poslovne usluge za investitore u Kantonu Sarajevo, detaljne informacije o poslovnom okruženju u BiH, kao i investicije i uspješne priče investitora.

Privredna komora Kantona Sarajevo u saradnji sa Ministarstvom privrede Kantona Sarajevo je također uradila brošuru "Pokretanje biznisa u Kantonu Sarajevo". Brošura sa prevodom na engleski jezik nalazi se na web stranici: <https://pksa.ba/wp-content/uploads/2019/01/Finalna-BOSENG-Pokretanje-biznisa-u-Kantonu-Sarajevo.pdf>

Ova brošura je namijenjena budućim investitorima i poduzetnicima, koji planiraju da pokrenu vlastiti biznis na području Kantona Sarajevo. U brošuri su predstavljene informacije o osnivanju društva sa ograničenom odgovornošću, kao i obrta i srodnih djelatnosti, uz pregled neophodnih koraka u postupku osnivanja, u kojima su detaljno navedeni potrebni dokumenti za svaku od procedura, spisak institucija, kao i procjena troškova osnivanja. Također, obuhvaćen je i pregled relevantnih informacija iz zakona, kojima su ove oblasti regulisane.

Pored nekoliko navedeni linkova u investicijskom vodiču Kantona Sarajevo "Investirajte u Kanton Sarajevo", nalazi se i link Agencije za promociju stranih investicija (FIPA):

http://www.fipa.gov.ba/informacije/posao/vrste_preduzeća/default.aspx?id=133&langTag=bs-BA,

gdje su date informacije za investitore – kako pokrenuti posao u BiH, poslovati u BiH, raditi i živjeti u BiH, vrste preduzeća, povlastice za investitore i neki podaci i statistike, kao i link:

<https://www.fmrpo.gov.ba/> gdje su, između ostalog, navedene povlastice za investitore, atraktivni

sektori, koraci za početak poslovanja – za registraciju firme, vrste preduzeća, predstavništva,

poreski i carinski sistem, legislativa i ostale informacije korisne investitorima (preuzete sa stranice FIPA-e).

Ministarstvo privrede Kantona Sarajevo je unaprijedilo podršku za postojeće investitore kroz Program postinvesticione podrške u okviru Saradničke mreže i servisa za potencijalne investitore. Uspostavili smo sistem rada sa investitorima "sve na jednom mjestu" gdje investitor na jednom mjestu može prikupiti sve informacije vezane za investiranje u Kantonu Sarajevo.

U junu 2017. godine, donijet je novi Zakon o prostornom uređenju Kantona Sarajevo (Službene novine Kantona Sarajevo 24/17) koji predviđa uvođenje koncepta jednošalterskog sistema u procesu pribavljanja dozvola za građenje.

Ministarstvo privrede izražava odlučnost za poduzimanje svih aktivnosti koje imaju za cilj unapređenje poslovnog ambijenta, ekonomski i ukupan razvoj Kantona Sarajevo u okviru svojih nadležnosti.

S poštovanjem.

Dostaviti:

- Naslovu
- Vlada Kantona Sarajevo
- Evidencija
- a/a



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

